

Hezkuntzaren aldeko Mundu-Kanpainak (HMK), hezkuntza oinarritzko giza eskubide gisa sustatzen du, eta presio politikoa egin nahi die gobernuei eta nazioarteko komuniteari, pertsona guztientzako oinarritzko, doako eta nahitaezko hezkuntza eta hezkuntza publikoa sustatzeko promesak bete ditzaten, batez ere, haurren, emakumeen eta gizarteko sektore ahulenen hezkuntza.

Kanpainak uste osoa du guztiontzako kalitatezko hezkuntza lorgarria dela, eta kezka sortzen dio hezkuntza horren faltak pertsona eta herrialde horientzat sortzen duen kostu handiak.

Hezkuntzaren aldeko Mundu-Kanpaina 1999an sortu zen, eta munduko 150 herrialde baino gehiagotako hezkuntza-arloko GKE eta sindikatuak biltzen ditu. Horregatik du gizarte zibila mobilizatzeko gaitasun berezia.

Estatu espainiarrean, hauek dira Hezkuntzaren Aldeko Munduko ekintza-Astea sustatzen duten erakundeak: Alboan, Ayuda en Acción, Educación sin Fronteras, Egoaizia, Elkarheitzten, Entreculturas, FE.CCOO, FERE-CECA, FETE UGT, Fundación Cultura de Paz, InteRed, Jolas eta Ekin, Jóvenes del Tercer Mundo eta STES-i.



2010eko **Hezkuntzaren Aldeko Munduko ekintza-Astea (HAMA)** abian jarri da, **Hezkuntzaren aldeko GOLA**, lelopean, Hezkuntzaren aldeko Mundu-Kanpainak sustatua (HMK) eta FIFAk lagundua.

Aurtengo ekainean, Munduko Futbol Kopa izango da Hegoafrikan, eta txapelketa hori aukera paregabea da milioika pertsonatara heltzeko eta haiei mezu hau zabaltzeko: nazioarteko komunitateko agintariei eskatzeko hezkuntzari lehentasuna emateko eta behar diren baliabideak horretara bideratzeko, hori egin ezean milioika pertsonari hezkuntza-eskubidea ukatzen jarraituko baitugu.

HAMAn, mundu osoko milioika pertsona mobilizatzeko gara, leloa **Hezkuntzaren aldeko GOLA** dugula, agintari politikoei eskatzeko 2015ean Guztiontzako Hezkuntza lortzeko konpromisoa egia bihurtzeko behar diren baliabideak jartzeko. 30 milioi pertsonaren babesa lortzea da gure helburua.

www.1gol.org eta www.cme-espana.org
orrialdeak bisitatu informazio osagarria izateko eta hartu parte HAMAn!

Nola parte hartu 2010 urteko HAMAN?

1. Unitate didaktikoa landuz.
2. Estatu mailan antolatuko diren ekintzetan parte hartuz. Ekitaldi horietan Espainiako gobernari beraiek hartutako konpromisoak gogoratuko dizkiegu, eta hezkuntzari eguneroko agendan lehentasuna emateko eskatuko diegu.
3. Eskumuturrean oinetakoen lokarri bat eramanez, kanpainari zure atxikimendua erakutsiz.
4. **www.1gol.org** web orrialdean sinatuz eta zure atxikimendua ekimen honetara batuz. Gainera, hezkuntzak munduko beste herrietan nola aldatzen duen beste pertsonen bizimodua jakin dezakezu eta garatzen ari diren ekimen berri izan dezakezu.



www.cme-espana.org

Kalitatezko hezkuntzaren finantzazioa: guztion eskubidea

1GOL.ORG


HEZKUNTZAREN
Aldeko Mundu-kanpaina
www.cme-espana.org



EUSKO JAURLARITZA
GOBIERNO VASCO
DEPARTAMENTO DE EMPLEO Y
ASUNTOS SOCIALES
Departamento de Empleo y Asuntos Sociales

Gipuzkoako Foru Aldundia
Diputación Foral de Gipuzkoa

Laguntzaileak:



2000. urtean, 180 herrialde baino gehiagotako buruzagiek Dakarreko Helburuak adostu zituzten, guztiontzako kalitatezko hezkuntza lortzeko helburu eta jomuga batzuk, hain zuzen ere:

1. Haur-hezkuntza hedatzea eta hobetzea.
2. Guztiontzat, doako, nahitaezko eta kalitate oneko lehen hezkuntza bermatzea.
3. Gazte eta heldu guztiek bizitza aktiborako prestatzeko programak egiteko aukera izatea.
4. Helduen alfabetatze-maila % 50 gehitzea.
5. 2005 baino lehen, lehen eta bigarren hezkuntzan genero desberdintasunak ezabatzea, eta 2015erako genero-berdintasuna lortzea.
6. Hezkuntza-kalitatea hobetzea.

Aurrerapen batzuk lortu badira ere, orain arteko ekintza-ildoari eusten bazaio, beste 100 urtean ere ez dira helburuak lortuko. Denon esku dago egoerari aurre egin eta milurtekoko helburuak bete daitezen lortzea.

Guztiontzako Hezkuntza 2015. urterako lortzeko, urtero 16.000 milioi dolar behar dira.

5 urte geratzen dira herrialdeek Guztiontzako Hezkuntzaren helburuak lortzeko jarritako epea betetzeko.

- 72 milioi haur daude munduan eskolatu gabe (horietatik, % 54 neskak dira), eta joera horrek jarraitzen badu, 2015ean, oraindik 56 milioi haur, gutxienez, izango dira hezkuntza eskuratzetik gabe.
- 759 milioi helduk ez dute irakurtzeko eta idazteko oinarrizko gaitasunik, eta horietatik bi heren emakumeak dira. Joera horiek jarraitzen badute, 2015ean, 710 milioi heldu izango dira gaitasun horiek eskuratu gabe.
- Munduko herrialdeen % 37k baino ez du lortu nesken eta mutilen arteko parekotasuna bigarren hezkuntzan.
- Mundu osoan, 18 milioi irakasle gehiago beharko dira 2015ean Guztiontzako Hezkuntza lortzeko.

2000. urtetik, herrialde askotan aurrerapen handiak egin dira zenbait alderditan; esaterako, lehen hezkuntzaren unibertsaltasunaren alorrean (40 milioi haur gehiago joaten

dira gaur egon eskolara), eta bi sexuen arteko berdintasunaren alorrean (Bangladeshen, adibidez, neska eta mutil kopuru bera dago lehen hezkuntzan).

Hezkuntzara bideratutako **Garapenerako Laguntza Ofiziala (GLO) gelditzea** kezkatzeko arrazoia da:

- Oinarrizko hezkuntzarako laguntzetarako herrialdeen konpromisoek % 22 egin zuten behera 2007an, aurreko urteekin konparatuta, eta, urteko 4.300 milioi dolarreko kopuruan gelditu da, zein Guztiontzako Hezkuntzaren helburuak lortzeko beharko liratekeen 16.000 milioi dolarreko zenbateko gehigarriaren % 25 baino ez den.

Dakarreko eta Milurtekoko helburuen erronka, **pertsona guztientzako oinarrizko hezkuntza bermatzeko finantzazioa lortzea da.**

Iturria: UNESCO

HMK-k zera eskatzen die:

Estatu espainiarreko lankidetzari

- **Garapenerako Laguntza Ofizialaren % 8, gutxienez, Oinarrizko Hezkuntzara** bideratzea, 2008ko abenduan, Soraya Rodríguez Nazioarteko Lankidetzarako estatu-idazkariak hori betetzeko konpromisoa hartu zuen.

- **Zorra hezkuntzaren truk kitatzen** jarraitzea, eta zorra kitatzeko, Espainiar jatorriko ondasunak eta zerbitzuak erostera ez behartzea.

- **Finantziazioa areagotzea** eta funtsak zenbatekoak izango diren aurretik jakiteko aukera ere areagotzea.

Hegoaldeko herrialdeei

- **Aurrekontu nazionalen % 20 eta NPGaren % 6** hezkuntzara bideratzea, eta tasa eta kostu guztiak kentzea.

- **Genero-berdintasuna** lortzeko politikak eta jardunbideak sortzea eta erabili hezkuntzan eta hezkuntzaren bidez.

- **Hezkuntzaren kalitatea** hobetzeko hezkuntza-politika abian jartzea.

- Irakasleei soldata duina ordaintzea, eta etengabeko **prestatuntza eta birziklatzea ematea.**

- **Neurri espezifikoak** hartzea, hezkuntzak sektore ahulenen egoera alda dezan.

Nazioarteko erakundeei

- **Hezkuntzarako Bide Azkarra Ekimena** hedatzea, herrialdeei bultzatzeko Guztiontzako Hezkuntzaren sei helburuei helduz.

- **Dakarreko Helburak** kontuan izatea, MGHak sustatuko dituen hezkuntzaren marko bezela.

- Dakarreko konpromisoekin bat datorren **Guztiontzako Hezkuntza Plana duten Hegoaldeko** herrialdeek Bide babesa izango dutela bermatzea, bereziki, errenta baxueneko 60 herrialdeek.